



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

XII. Igitur Regi & Episcopis liberum est, cùm Annatæ titulo tantùm subsidij debeantur, ei solvendo consensum suum revocare. Æquitati tamen injuria fieret si subsidia semel concessa revocarentur.

**urn:nbn:de:hbz:466:1-15617**

quam liberalitate Christianissimorum Regum Pippini, Caroli Magni, & Ludovici Pij locupletata est ob concessum sedi apostolicae exarchatum Ravennæ , ducatum Romanum, itemque Spoletanum, aliisque ingentia patrimonia. Nisi fortassis adversus hæc dicatur Pontificem quidem Romanum ad Principis dignitatem evectum fuisse his donis, sed eodem tempore præbitas novas prodigiendi causas. Verum clerus non teneatur in eo agnoscere dignitatem Principis secularis. Quanquam si redditum pontificiorum dispensationi modus adhibetur, sufficerent haud dubiè huic magnificencie & his sumptibus, neque necessarium esset subiectos Romanæ sedis, aut personas ecclesiasticas, tributorum onere opprimi.

XI. Quidam jus illud imperandi tributa clero, quod Summo Pontifici competere aint, ex eo deducunt, quòd summam obtineat auctoritatem in bona ecclesiastica; adeo ut si eis male utatur, peccet quidem graviter, sed tamen dispensationem eorum fore validam. Opinio hæc, quæ proprietatem bonorum ecclesiasticorum summumque in ea imperium Pontifici Romano afferit, exorta est a Bonifacij octavi, auctoribus quibusdam adulatoribus. Sed eodem tempore explofa est à Ioanne de Parisis: qui bonorum proprietatem ait pertinere ad Christum, administrationem ad Episcopos, dispensationem verò pro bono generali Ecclesiæ ad Summum Pontificem; adeo ut decreta ejus circa dispensationem horum bonorum nulla sint ipso jure, nisi fiant ob evidenter utilitatem Ecclesiæ universalis.

*Talia bona sunt Ecclesiæ*, inquit, *quantum ad proprietatem; sed Prælatorum, quantum ad dispensationem. Vnde patet quid Papa non potest ad libitum detrahere seu distrahere bona Ecclesiæ; ita quòd quidquid ordinet de ipsis, teneat. Hoc enim est, si esset dominus. Sed cum sit dispensator bonorum communitatū, in quo requiritur bona fides, non habet sibi collatam potestatem super ipsis, nisi ad necessitatem vel utilitatem Ecclesiæ communis. Infra: Propter quod si aliter pro libito distrahatur Papa, & non bona fide, de jure non tenet. Sanè modus hic qui potestati pontificiae prescribitur, prohibet ne Papa bonis Ecclesiæ abuti possit; sed tamen in eo quandam auctoritatem agnoscit, secundum quam de his constituere possit, cùm necessaria occasio ingruerit. Verum heic observandum est, hæc scribi à privato Doctore, qui prudentia temperamentum adferre volebat adversus torrentem novarum opinionum. Fortius aliquid expectari debuit ab Ecclesia in Constantiensi Concilio congregata; quæ jus tributa universo*

clero imperandi pertinere ad solum generale Concilium edxit, non verò ad Summum Pontificem. Decretum porrò illud innitur sententia: quæ ait proprietatem bonorum ecclesiasticorum pertinere ad Ecclesiam universalem, sive ad communitatem uniuscujusque Ecclesiæ, dispensationem verò ad unumquemque Episcopum; unde sequatur eorum quorum interest consensum esse necessarium ut in sumptus extraordinarios, veluti ad subveniendum Ecclesiæ Romanæ, ea bona convertantur. Sed quacunque tandem Concilij ratio fuerit, satis est quòd decreto ejus potestas Concilio generali reservatur imperandi subsidia, quotiens ita Romanæ Ecclesiæ necessitas postulabatur. Ceterum cùm materiei istius cognitio necessaria sit, & erudita, alibi accurate disseram de auctoritate ecclesiastica & seculari in bona ecclesiastica.

XII. Ex iis quæ suprà dicta sunt potest colligi, cùm Annatæ titulo tantum subsidij debeantur, quod exigere Pontifex non potest absque consensu Regis & Ecclesiæ Gallicanæ, liberum esse Regi & Episcopis consensum suum revocare, eique tributo finem imponere. Solutio enim illa nihil aliud est quād donum spontaneum & gratuitum, quod præscriptioni obnoxium esse non potest. Atque id eō majoris est momenti, quòd Annatæ non approbantur conceptis verbis in Concordatis, & tamen disertè vetantur in constitutionibus regni, quæ matura deliberatione factæ sunt à Carolo V I. Rege annis M C C C C V I. & X V I I I. extincto nimis schismate, & residente in sede apostolica Papa Martino quinto. Secundum has constitutiones exactio Annatarum prohibita est à Concilio Basileensi; eique prohibitiō Concordata non derogaverunt expresse, qua id solū agunt ut Pragmatica Sanctio aboleatur quoad horum decretorum Basileensium acceptationem. Itaque acceptatio revocata est, non tamen substantia decretorum. Quanquam videatur æquitati injury fieri, si subsidia semel concessa revertentur, nisi manifestè confiterit ingrati crimen esse in Summo Pontifice.

XIII. Quidquid sit; Rex, tanquam Protector Libertatum Ecclesiæ Gallicanæ, & vi etiam regiæ auctoritatis, prohibere potest quæcumque tributa quæ Summus Pontifex, sive titulo Annatarum, sive alio quolibet modo, imperare vellet personis ecclesiasticis, ac etiam prohibere ne ea quorum exactiō confensus jam est adhibitus augeantur in posterum.

Hujus axiomatis probatio pendet ex iis quæ dicta sunt, quorum vis comprehenditur

E e iij